

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA UPRAVU, DRUŠTVENE DJELATNOSTI,  
MLADE I BORAČKO – INVALIDSKU ZAŠTITU  
Broj: 05-04-1951/20  
Lukavac, 23.07.2020. godine

Na osnovu člana 69. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), Rješenja Ureda za razmatranje žalbi broj: JN2-03-07-1-1035-7/20 od 09.07.2020.godine i Preporuke Komisije za provođenje postupka javne nabavke broj: 05-04-1951/20 od 21.07.2020. godine u otvorenom postupku javne nabavke računarske opreme, Pomoćnik općinskog načelnika za Službu za upravu, društvene djelatnosti, mlade i boračko – invalidske zaštite d o n o s i

### **ODLUKU o poništenju postupka javne nabavke**

#### **Član 1.**

Poništava se postupak javne nabavke računarske opreme, shodno članu 69. stav (2) tačka b) Zakona o javnim nabavkama („Sl. glasnik BiH“, broj: 39/14), iz razloga što nijedna od primljenih ponuda nije prihvatljiva.

#### **Član 2.**

Ova Odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Postupak javne nabavke računarske opreme pokrenut je Odlukom o pokretanju postupka javne nabavke broj: 02-02-1846/20 od 04.03.2020.godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 50.100,00 KM.

Obavještenje o nabavci broj: 719-1-1-13-3-33/20 objavljeno je na Portalu javnih nabavki dana 10.03.2020. godine.

Nakon provedene procedure izbora najpovoljnijeg ponuđača Ugovorni organ je donio Odluku broj: 05-04-1951/20 od 23.04.2020.godine, protiv koje je ponuđač „Imel“ doo Lukavac izjavio žalbu broj: E-04-10.02-5094/20 od 28.04.2020.godine. Ugovorni organ je navedenu žalbu u skladu sa članom 100. stav 5. Zakona o javnim nabavkama, uz izjašnjenje po žalbi broj: 05-04-1951/20 od 04.05.2020.godine sa kompletnom dokumentacijom u vezi s predmetnim postupkom, proslijedio Uredu za razmatranje žalbi BiH – sjedište u Mostaru. Dana 13.07.2020.godine, broj: 05-04-1951/20 Ugovorni organ zaprimio je Rješenje Ureda za razmatranje žalbi BiH – Filijala Mostara broj: JN2-03-07-1-1035-7/20 od 09.07.2020.godine, u kome stoji da se usvaja žalba ponuđača „Imel“ doo Lukavac, da se poništava Odluka broj: 05-04-1951/20 od 23.04.2020.godine, te se predmet vraća Ugovornom organu na ponovno postupanje.

Ponovnim uvidom u ponudu ponuđača „Ingel“ d.o.o Tuzla Komisija je utvrdila da su u ponudi na stranama 15-18. dostavljene tehničke karakteristike računara sa pratećim fotografijama za „PC

računar Lenovo M720 SFF“ i „Monitor Lenovo ThinkVision T2224d 61B1JAR1EU“, ali da nisu priložene fotografije dodatne opreme – tastature i miša – optički s kotačićem istog proizvođača kao PC.

Daljom analizom ponude, Komisija je utvrdila da na fotografijama za stavke 1. i 2. Obrasca za cijenu ponude nisu vidljivi niti jedan od priključaka definisanih tenderskom dokumentacijom npr. 9 x USB portova, 1x paralel, 2x serijski.

Obzirom da je tačkom 13.3.2. Tenderske dokumentacije određeno da će se „ocjena tehničke i profesionalne sposobnosti ponuđača izvršiti na osnovu slijedećih dokaza koju dostave ponuđači: a) Fotografije i tehničke karakteristike ponuđene opreme“, isto podrazumijeva fotografije kako osnovnih uređaja, tako i dodatne opreme, Komisija je utvrdila da ponuđač nije ispunio zahtjev iz tačke 13.3.2. tenderske dokumentacije, zbog čega je ponudu na osnovu tačke 13.3.3. tenderske dokumentacije i člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbacila.

Iz navedenih razloga, primjenom člana 69. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), i člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

#### **Dostaviti:**

1. „Ingel“ d.o.o Tuzla
2. „Imel“ d.o.o. Lukavac
3. Arhivi



POOVLAŠTENJU OPĆINSKOG NAČELNIKA

POMOĆNIK OPĆINSKOG NAČELNIKA

(ovlaštenje broj: 02-30-2882/20 od 02.06.2020.)

Emir Kasumović, dipl. pravnik